

Na osnovu člana 11. Zakona o kantonalnim ministarstvima i drugim tijelima Kantonalne uprave (“Službene novine BPK- a Goražde” broj: 5/03) te na osnovu člana 77. Zakona o srednjem obrazovanju i odgoju (“Službene novine BPK- a Goražde” broj: 10/11) Ministarstvo za obrazovanje, nauku, kulturu i sport , *d o n o s i*:

PRAVILNIK

O SADRŽAJU I NAČINU POLAGANJA PRIJEMNIH ISPITA U SREDNJIM ŠKOLAMA

I - OPĆE ODREDBE

Član 1.

Ovim pravilnikom propisuje se oragnizacija, način, sadržaj i druga pitanja u vezi sa polaganjem prijemnog ispita za upis u prvi razred gimnazije, tehničke i srodne škole i umjetničke škole.

Član 2.

Pravo na polaganje prijemnog ispita za upis u prvi razred gimnazije, tehničke i srodne škole i umjetničke škole imaju učenici koji su sa uspjehom završili osnovnu školu.

Član 3.

Prijemni ispit se polaže pismeno, putem testa sklonosti i putem testa sposobnosti u prostorijama srednje škole ili drugim odgovarajućim prostorijama koje odredi škola.

Prijemni ispit se polaže uz prisustvo dežurnih nastavnika koji ne mogu biti iz istog ili srodnog predmeta koji se u datom momentu polaže.

Dežurne nastavnike za svaki predmet koji se polaže imenuje direktor škole.

II - SADRŽAJ PRIJEMNOG ISPITA

Član 4.

Prijemni ispit prema vrsti srednje škole sadrži provjeru znanja iz dva predmeta, a prema Kriterijima za prijem učenika u prvi razred srednje škole. Provjera znanja na prijemnom ispitu vrši se iz nastavnog gradiva **u predmetnoj nastavi sa akcentom na gradivo iz poslednja dva razreda osnovne škole** za VII i VIII razred osmogodišnje, odnosno VIII i IX razred devetoodišnje osnovne škole.

Član 5.

Prijemni ispit polaže se u isto vrijeme u svim srednjim školama Bosansko- podrinjskog kantona Goražde.

Član 6.

Ministar za obrazovanje, nauku, kulturu i sport BPK- a Goražde (u daljem tekstu: Ministar) imenuje svog izaslanika (u daljem tekstu: Izaslanik) pod čijim nadzorom se polaže prijemni ispit.

Član 7.

Zadatke za prijemni ispit predlaže stručna komisija koju imenuje Ministar.

Stručnu komisiju sačinjavaju: jedan predstavnik iz pedagoškog zavoda i po jedan nastavnik osnovne i srednje škole iz predmeta iz kojeg se polaže prijemni ispit.

U umjetničkim školama stručnu komisiju, pored predstavnika iz pedagoškog zavoda, sačinjavaju nastavnici škole koje odredi nastavničko vijeće.

Član 8.

Stručna komisija uradit će tri različite grupe zadataka, odnosno pitanja za svaki predmet, a za bosanski/hrvatski jezik i književnost tri grupe tema sa po tri teme iz različitih oblasti, ili tri grupe pitanja iz gramatike i pravopisa i dostavit će ih ministru najdalje do 15. juna tekuće godine.

Uz zadatke iz svih predmeta daju se rješenja sa brojem bodova za svaki tačan odgovor/zadatak, pri čemu je maksimalni broj bodova za svaki predmet pojedinačno 15.

Pismeni rad iz bosanskog/hrvatskog jezika ocjenjuje se brojčanom ocjenom od 1 do 5, pri čemu ocjena 5 nosi 15 bodova, ocjena 4 nosi 12 bodova, ocjena 3 nosi 9, a ocjena 2 nosi 6 bodova.

Član 9.

Zadaci iz člana 8. stav 1. ovog pravilnika su poslovna tajna.

Izaslanik je odgovoran za tajnost iz prethodnog stava.

Član 10.

Od predloženih zadataka, odnosno tema iz člana 8. stav 1. ovog pravilnika, Ministar vrši izbor jedne grupe zadataka, odnosno pitanja, odnosno tema, koji se u zapečaćenoj koverti dostavljaju odgovarajućoj srednjoj školi na dan polaganja prijemnog ispita.

U posebno zapečaćenoj koverti dostavljaju se rješenja zadataka.

III - NAČIN POLAGANJA PRIJEMNOG ISPITA

Član 11.

Prijemni ispit se polaže pred komisijom koju sačinjavaju predsjednik i dva člana.

Jedan od članova ispitne komisije je profesor koji ima odgovarajuću školsku spremu i stručno zvanje za nastavni predmet koji se polaže, a drugi član profesor iz istog ili srodnog predmeta.

Predsjednika i članove ispitne komisije imenuje nastavničko vijeće škole.

Član 12.

Na dan polaganja prijemnog ispita Ministar uručuje Izaslaniku teme iz bosanskog/hrvatskog jezika i književnosti ili grupu pitanja iz gramatike i pravopisa sa odgovorima i rješenjima, i grupu zadataka odnosno pitanja za svaki predmet koji se polaže.

Prije početka polaganja prijemnog ispita Izaslanik uručuje predsjedniku ispitne komisije zapečaćenu kovertu sa zadacima- temama iz predmeta koji se polaže.

Predsjednik komisije u prostoriji u kojoj se polaže prijemni ispit otvara kovertu sa zadacima- temama i saopćava ih učenicima.

Ako se prijemni ispit polaže u više prostorija, predsjednik ispitne komisije, u prisustvu Izaslanika saopćava zadatke- teme učenicima, posebno u svakoj prostoriji.

Član 13.

Prijemni ispit se polaže dva dana.

Datum, raspored i satnicu polaganja prijemnog ispita utvrđuje Ministar.

Prijemni ispit za svaki predmet koji se polaže pismeno traje dva školska časa.

U vrijeme trajanja prijemnog ispita ne uračunava se vrijeme saopćavanja zadataka.

Vrijeme trajanja stručnih dijelova ispita u umjetničkoj školi utvrđuje se pravilima škole.

Radovi učenika rade se pod šiframa.

Postupak šifrovanja radova provodi Izaslanik sa predsjednikom komisije.

Član 14.

Predsjednik ispitne komisije dužan je nakon završetka prijemnog ispita u prisustvu ostalih članova ispitne komisije i Izaslanika da otvori zapečaćenu kovertu sa rješenjima zadataka, a nakon toga se pristupa utvrđivanju rezultata prijemnog ispita.

Izaslanik prisustvuje dešifriranju radova i utvrđivanju konačnih rezultata prijemnog ispita za svakog učenika.

Škola je obavezna da najkasnije dva dana nakon polaganja prijemnog ispita, saopći rezultate ispita i objavi ih na oglasnoj ploči.

Član 15.

Prijem- upis učenika u prvi razred srednjih škola vrši na osnovu Kriterija koje donosi Ministarstvo, pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljane i lica bez državljanstva u skladu sa Zakonom o srednjem obrazovanju i odgoju.

Član 16.

Kriterijima iz prethodnog člana uređuje se način bodovanja i rangiranja kandidata koji konkurišu za upis u srednju školu, kao i druga pitanja u vezi sa prijemom i upisom učenika u srednju školu.

Član 17.

Ovaj pravilnik stupa na snagu danom donošenja, a objavit će se u “Službenim novinama BPK- a Goražde”.

Član 18.

Stupanjem na snagu ovog Pravilnika prestaje da važi Pravilnik o polaganju prijemnog ispita u gimnaziji, tehničkoj i srodnoj školi (“Službene novine BPK- a Goražde” broj: 11/06 i 8/11).

j

Broj: 10-38-1883/12
Goražde, 04.06.2012. godine

MINISTRICA:

mr.sci. Alma Delizaimović